

ԱՐՁԱՆԱԳՐՈՒԹՅՈՒՆ

ՀՀ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ ՀՐԴԵՀԱՅԻՆ
ԱՆԿՏԱՆԳՈՒԹՅԱՆ ՏԵՍՉԱԿԱՆ ՄԱՐՄՆԻ ԿԱՌԱՎԱՐՄԱՆ ԽՈՐՀՐԴԻ 2022
ԹՎԱԿԱՆԻ ՀՈՒՆՎԱՐԻ 26-Ի ՆԻՍԻ

ք. Երևան

«31» հունվարի 2022թ.

2022 թվականի հունվարի 26-ին տեղի ունեցավ ՔՏՀԱ տեսչական մարմնի Կառավարման խորհրդի (այսուհետ նաև՝ ԿԽ) հերթական նիստ:

Օրակարգում ընդգրկված հարցերին վերաբերող համապատասխան նյութերը սահմանված ժամկետում ներկայացվել են Կառավարման խորհրդի անդամների էլեկտրոնային հասցեներին:

Օրակարգում ընդգրկված էին հետևյալ հարցերը.

1. ՔՏՀԱ տեսչական մարմնի 2021 թվականի տարեկան հաշվետվության քննարկում և հաստատում

Ձեկուցողներ՝ Գ. Շախբազյան

Որակի ապահովման վարչության պետ՝ Գ. Գիլոյան

2. ՔՏՀԱ տեսչական մարմնի որակի ապահովման վարչության 2021 թվականի 3-րդ եռամսյակի հաշվետվության ներկայացում և քննարկում.

Ձեկուցող՝ Որակի ապահովման վարչության պետ՝ Գ. Գիլոյան

3. ՔՏՀԱ տեսչական մարմնի 2021 թվականի 4-րդ եռամսյակի գործունեության կատարողականի գնահատման քննարկում և հաստատում.

Ձեկուցող՝ Որակի ապահովման վարչության պետ՝ Գ. Գիլոյան

Կառավարման խորհրդի նախագահի՝ 2022 թվականի հունվարի 25-ի N 1-Լ որոշմամբ ԿԽ նիստը վարելու հետ կապված աշխատանքները վերապահվել են ԿԽ անդամ, ՀՀ տարածքային կառավարման և ենթակառուցվածքների նախարար Գ. Սանոսյանին:

Նիստին մասնակցել են՝

Գ. Սանոսյան

- ՀՀ տարածքային կառավարման և ենթակառուցվածքների նախարար

- Ա. Ասոյան - ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավար
- Ա. Հովհաննիսյան (ներկայությունն ապահովել է ներկայացուցչի միջոցով) - ՀՀ արդարադատության նախարարի տեղակալ
- Ն. Տերյան (ներկայությունն ապահովել է ներկայացուցչի միջոցով) - ՀՀ էկոնոմիկայի նախարարի տեղակալ
- Վ. Հովհաննիսյան - ՀՀ ֆինանսների նախարարի տեղակալ
- Ս. Թովմասյան - ՀՀ կադաստրի կոմիտեի ղեկավար
- Մ. Սանդրյան - «ՓՄՁ համագործակցության ասոցիացիա» ՀԿ-ի կառավարման խորհրդի անդամ (համաձայնությամբ)
- Ա. Կարապետյան - «Ջարգացման լուծումների ինստիտուտ» հիմնադրամի գործադիր տնօրեն (համաձայնությամբ)

Նիստը նախագահողը ողջունեց նիստի մասնակիցներին և խոսքը տրվեց ՔՏՀԱ տեսչական մարմնի ղեկավար Գ. Շախբազյանին՝ օրակարգի 1-ին հարցը՝ ՔՏՀԱ տեսչական մարմնի 2021 թվականի տարեկան հաշվետվությունը ներկայացնելու համար:

Գ. Շախբազյանի կողմից ներկայացվեց ՔՏՀԱ տեսչական մարմնի 2021 թվականի տարեկան հաշվետվությունը: Տարեկան հաշվետվության մեջ բարձրացված հարցերի և խնդիրների կապակցությամբ ֆինանսների նախարարի տեղակալ Վ. Հովհաննիսյանն առաջարկեց մշակել ճանապարհային քարտեզ՝ խնդիրներին առավել օպերատիվ լուծում տալու համար:

«Ջարգացման լուծումների ինստիտուտ» հիմնադրամի գործադիր տնօրեն Ա. Կարապետյանը բարձրացրեց բազմաբնակարան բնակելի շենքերի նկատմամբ պետական վերահսկողության իրականացման հստակ մեխանիզմների մշակման և գործարկման անհրաժեշտության և հրատապության հարցը: Նշված հարցը որոշվեց քննարկել ոլորտի քաղաքականությունը մշակող և ոլորտի շրջանակներում գործունեություն ծավալող բոլոր մարմինների հետ համատեղ:

Հաշվի առնելով այն հանգամանքը, որ Արդարադատության նախարարի տեղակալ Ա. Հովհաննիսյանի և Էկոնոմիկայի նախարարի տեղակալ Ն. Տերյանի ներկայացուցչությունը ԿԽ նիստին ապահովված էր ներկայացուցիչների միջոցով, որոշվեց օրակարգում ընդգրկված հարցերի քվեարկությունն իրականացնել հեռակա կարգով՝ Էլեկտրոնային քվեարկությամբ:

Էլեկտրոնային քվեարկությամբ հեռակա քվեարկությունը տեղի ունեցավ 2022 թվականի հունվարի 26-27-ը ներառյալ:

Քվեարկությանը մասնակցել են՝

- Ա. Փիլոյան - ՀՀ արտակարգ իրավիճակների նախարար (խորհրդի նախագահ)
- Գ. Սանոսյան - ՀՀ տարածքային կառավարման և ենթակառուցվածքների նախարար
- Ա. Ասոյան - ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավար
- Ա. Հովհաննիսյան - ՀՀ արդարադատության նախարարի տեղակալ
- Վ. Հովհաննիսյան - ՀՀ ֆինանսների նախարարի տեղակալ
- Ա. Ղուլարյան - ՀՀ քաղաքաշինության կոմիտեի նախագահ
- Ս. Թովմասյան - ՀՀ կադաստրի կոմիտեի ղեկավար
- Մ. Սանդոյան - «ՓՄՁ համագործակցության ասոցիացիա» ՀԿ-ի կառավարման խորհրդի անդամ (համաձայնությամբ)
- Ա. Կարապետյան - «Զարգացման լուծումների ինստիտուտ» հիմնադրամի գործադիր տնօրեն (համաձայնությամբ)

Քվեարկությանը չեն մասնակցել՝

- Ն. Տերյան - ՀՀ Էկոնոմիկայի նախարարի տեղակալ
- Ա. Դանիելյան - Հայաստանի արդյունաբերողների և գործարարների միության ներկայացուցիչ (համաձայնությամբ)
- Մ. Հովհաննիսյան - «Ճարտարապետության և շինարարության Հայաստանի ազգային համալսարան» հիմնադրամի

քաղաքաշինության ամբիոնի պրոֆեսոր,
ճարտարապետության թեկնածու (համաձայնությամբ)

Քվեարկությունը համարվում է կայացած:

Քվեարկության արդյունքները՝ 9 կողմ, 0 դեմ:

«Զարգացման լուծումների ինստիտուտ» հիմնադրամի գործադիր տնօրեն Ա. Կարապետյանը, օրակարգում ընդգրկված 1-ին հարցին քվեարկելով կողմ, ներկայացրել է նաև դիտարկումներ՝ կապված ՀՀ-ում բազմաբնակարան բնակելի շենքերի ընդհանուր բաժնային սեփականության պահպանման պարտադիր նորմերի պահանջների կատարման նկատմամբ վարչական վերահսկողության համակարգի ձևավորման հետ:

Սույն արձանագրությանը ծանոթանալուց և համաձայնություն տալուց հետո Կառավարման խորհուրդը որոշեց.

1. Հաստատել ՔՏՀԱ տեսչական մարմնի 2021 թվականի տարեկան հաշվետվությունը.
2. Հաստատել ՔՏՀԱ տեսչական մարմնի 2021 թվականի 4-րդ եռամսյակի գործունեության կատարողականի գնահատումը:

ՔՏՀԱ տեսչական մարմնի որակի ապահովման վարչության 2021 թվականի 3-րդ եռամսյակի հաշվետվությունն ընդունվեց ի գիտություն:

Կառավարման խորհրդի նախագահ՝

 Ա. Փիլյան

Կառավարման խորհրդի քարտուղարի
պարտականությունները ժամանակավոր կատարող՝

 Ա. Հայրապետյան